

AVIS – INTERUZIUN DLA FORNIDÖRA D'EGA AI 22.07.2024

Por gauja de laurs sön la condüta dal'ega da Lungiarü a San Martin mëssel gní saré jö l'ega a San Martin tles localitès Restalt, Prousc-Tor y Predesura en lönesc, ai 22 de messé, dales 8.00 ales 17.00.

Le zënter da San Martin, Picolin, la Zona artejanala Picolin/Alfur y Preroman cifa tratan i laurs ega dal resservar da Picolin/Ciablun.

Mo al vëgn perié de sparagné dassënn ega por evité che ince chëstes localitès ne restes nia domisdé ia zënza ega.

PLOANIES SAN MARTIN Y LUNGIARÜ

La Ciasa de Palsa tëgn incö domënia, ai 21 de messé, la festa da d'isté cun la Gran Mëssa dales 9.30 tla Ciasa de Palsa. Düc, pici y gragn, é bel invιά.

LUNGIARÜ

Incö domënia, 21 de messé, é i seniors y les seniores da Lungiarü dër bel invιά/des ala griliada dla uniun en domënia ai 21 de messé dales 12.00 tla ütia dla segra. Al vëgn perié do n pice contribüt de 8 euro por porsona.

MUSIGA SAN MARTIN: En jöbia ai 25 de messé dales 21.00 él conzert dla musiga a Lungiarü sön la plaza dan scora. Düc é invιά da gní a acuté pro.

Le cor jonil Kyrios ves inviéia a na ligna de conzerc te dljia. Sot al moto "emoziuns" ves condejará i ciantarins y les ciantarines sön n iade de emoziuns, impresciuns y reflesciun personala, cun l'aiüt de proieziuns affascinantes, na iluminaziun carateristica y impuls meditatifs en jöbia, ai 25 de messé, tla dljia da San Martin, en sabeda, ai 27 de messé y en domënia, ai 28 de messé tla dljia de Badia tres dales 21.00.

I adorun osc aiüt! Le Sorvisc ai Jogn y le Comité dl Raiun mët a jí n proiet video sura les tradiziuns ladines. Al vëgn chirí jobleri de vigni eté (da 10 agn insö y al n'é nia debojëgn da messéi baié), guanc da laota imprestá fora por vistí sò nüsc aturs y inultima ciamó stües, ciamenes, locai da zacan por podëi filmé laite. Cun vigni contribüt, gran y pice, sunse dër contënc! Por interes y/o deplü informaziuns cherdede sö le numer 371 56 88 564 o scriede na email a samuel@jogn.org. Bel Dilan!

Le MUSEUM LADIN inviéia a na mostra cun aperitif en jöbia, ai 25 de messé. Al vëgn pité vijites menades fora por la mostra *Countdown to Mass Extinction?* cun le curadú Herwig Prinöth. La vijita menada vëgn pitada dales 15.00 ales 16.00 por todësch y dales 16.00 ales 17.00 por talian. Dales 17.00 inant podëis Ves gode la sëra sön la terassa panoramica dl Museum cun n bun aperitif y musiga dal ví. Al sona Jeanruaz & Marco Stagni Duo. I periun da se prenoté prenotaziuns@musemladin.it o 0474 0524 020 por la vijita menada, che costa €10,00 (incl. entrada tl museum Ciastel de Tor). Proscimi terms: al 01 d'agost: vijita menada zënza aperitif, ai 08 d'agost: Ganes Unplugged (Elisabeth y Marlene Schuen), 22 d'agost: "I vin y I din", ai 29 d'agost: vijita menada zënza aperitif.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

14.07. - 21.07.24 n. 34

termo por comunicaziuns: jöbia, dales 20.00

16ª DOMËNIA IA POR L'ANN B

Vangele do san Merch 6,30-34


Te chël tēmp s'á i apostui, che Gejù á menè fora, indô abiné pro d'èl y ai ti à cuntè döt cí ch'ai á fat y insigné.
Dailò ti àl dit: Gnide te n post sorènt, olach'i sun susc, y palsede fora n pü'.
Deach'ai n'á gnanca plü tēmp da mangé, tan tröpa jënt èl che gnò y che jô.
Insciò ési jüs cun la barca te n post sorènt, por ester susc. Mo an i á odü jon demez y tröc á capì te cí vers, y da dotes les citès saltâi a pé te chël post y rovâ dailò ciamò dan da d'èi. Canch'al è gnü fora de barca y odô le gröm de jënt, á Gejù compasciun impara; deach'ai è sciöche bisces che n'á degun famëi. Y al i à istrüi de vigni vers.



Plü avisa oress chëstes ultimes parores dí: "Al ti insignâ tröp." Mo tan tröp pa? Chësc ne cunta nia le vangelist Merch, che se tëgn ince zënza scialdi cört. Chësc me píta la poscibilitè da ponsé do instëssa: Ci oressi pa aldí? Sc'i saltass da d'èl sciöche chë tröpa jënt che orô a vigni cost odëi y aldí Gejú - ci me sburlass pa?

I oress parores che liëia, che dá speranza y coraje da odëi le bëgn che sozed pö bele.
I m'audass insegnamënc che me condejess plü daimpró a Chël Bel Dì y che ne m'al presentass nia zite, strënt y stufus.
I oress sintí comunité, proteziun y de bunes prospetives.
I oress diventé pasciüda tl corp y tl'anima.
Chisc dis da d'isté m'inviéia da chirí: Te ci vers ói pa pié ia?
Sön ci oressi pa gní sura y cun che?
A che oressi pa ti daurí mies orëdles, mia atenziun y mi tēmp?
I dis dl isté é lunc, lunc assá, da me tó dlaurela por mi dejider do de bunes noeles.

Christiane Brunner

| EDEMA - B | SAN MARTIN | LUNGIARÜ | |
|---|---|--|---|
| 21.07.24 16^a DOMËNIA ia por l'ann B | 9.30 Gran Mëssa tla Ciasa de Palsa por la comunité <i>cun siur Degan</i> | 7.50 Corona <i>(don Marco)</i> 8.15 Gran Mëssa por la comunité y benedisciu dl tèmp vis y def. de Albina Mischi, Pecëi + Sisto Clara + Monica Daporta dl ann + Albina Clara | <p><i>La Diozeja á indô protlamé la Domënia de San Cristofer, ch'i tignun a San Martin y a Lungiarü en domënia ai 28 de messé.</i></p>  |
| 22.07.24 <i>Maria Magdalena</i> Lönesc | | | |
| 23.07.24 Dedolönesc <i>Brighita de Svezia</i> | 8.00 Mëssa ++ geniturs de Tone y Elsa Gasser + Franz Gögele, Maran | 19.30 Corona tla capela de S. Ojöp Fr. | <p><i>Cun chësta aziun ciara la Missio Balsan-Porsenü y le Movimënt Catolich di Èi (KMB) da abiné adöm scioldi.</i></p> |
| 24.07.24 Dedemesaledema <i>Cristofe, Cristina, Siglinda</i> | | 7.30 Mëssa de rengraz. Pio y Emma Clara + Angel Miribung | <p><i>Les Misciuns á debojëgn de mobilité, i miscionars adora mesi de trasport da incundé la buna noela y da rové ince ti paisc desman.</i></p> |
| 25.07.24 <i>Iaco apostul, Tea</i> Jöbia | | | |
| 26.07.24 <i>Iachin y Anna</i> Vëndres | 18.30 Adoraziun chîta 19.00 Adoraziun deboriada | | |
| 27.07.24 Sabeda <i>Bertold, Natalia</i> | 18.30 Mëssa prefestia + Ida Rubatscher Erlacher, dl ann ++ Giovanni y Pire Unterweger +++ Arcangel, Nane y Monica Zingerle | | |
| 28.07.24 17^a DOMËNIA ia por l'ann B <i>De mondial</i> dles Lâs y di Neni y dla Jënt de tèmp | 9.30 Corona <i>(don Francesco)</i> 10.00 Gran Mëssa por la comunité por les Lâs, i Neni y la Jënt de tèmp y benedisciu dl tèmp y di auti por les Lâs, i Neni y la Jënt de tèmp de reng. fam. Hubert y Emma Prousch + Loise Ploner Unterweger Oferta por les Misciuns | 7.50 Corona <i>(pater Franz)</i> 8.15 Gran Mëssa por la comunité por les Lâs, i Neni y la Jënt de tèmp y benedisciu dl tèmp y di auti en onur de San Cristofer por les families de Camura dl ann + Carlo Planatscher + Giovanni Pezzei + Gino Liotto + Isidoro Clara, Toch Oferta por les Misciuns | <p><i>Le laur di miscionars, dles monies, di colauradus y dles colauradësses tla pastoral, tla incundaziun, t'assistënza sanitaria y tla formaziun é ma meso sc'an é bugn da ti jí pormez ala jënt. Te tröc posé é l'aiüt di miscionars y dles monies l'avëna sora de vita y de speranza por la jënt. Ai partësc les ligrëzes y i fistidi dla jënt y é söl post olach'al é debojëgn de aiüt. Da fá chësc vára ma sc'ai á mesi de trasport.</i></p> <p><i>Cun l'aziun de San Cristofer dl ann 2023 él jü ite 251.000 euro. Insciö án sciafié da cumpré 12 auti, 5 motors, n'ambulanza, na barca. 2 autofurguns y n camion.</i></p> |
| <p>En domënia, ai 28 de messé festejunse le de Mondial dles Lâs y di Neni y dla Jënt vedla. Porchël inviunse dër bel les lâs, i nëini, la jënt vedla y ince i mituns a tó pert ala mëssa en so onur! Implü tignunse ince ai 28 de messé la domënia de San Cristofer, olache l'oferta vëgn destinada ala mobilité tles Misciuns. Te n cëst ciafëise de pices crusc che artjans dles Filipines y dl'Uganda á fat y che pó gní metüdes ti auti!</p> | | | <p><i>Nosta oferta podess ince ester n sëgn de dilan por düc chi kilometri ch'i un podü fá zënza avëi n inziënt.</i></p> |